

奇難雜症醫術秘傳

許靈驗著

五洲出版社 印行

無師自通 奇難雜症醫術秘傳目錄

卷一 中西花柳科祕訣

上編 中醫花柳科

微瘡病原

下疳驗方十則

橫痃驗方十六則 附魚口便毒治法

微瘡驗方四十則

結毒驗方十五則

梅毒愈後驗方五則

淋濁驗方

五淋治法廿三方

白濁治法十三治

白帶白淫治法一方

下編 西醫花柳科

梅毒原因

梅毒之經過

梅毒之診斷

梅毒治療法

局所驅除梅毒法

治原發症

治淋巴腺腫脹

治面及兩手邱疹

治扁平濕疣

治黏膜腫潰

治潰瘍

治口鼻粘膜初發症

治喉頭梅毒

治初期硬結

治皮膚梅毒

治呼吸器梅毒

治消化器梅毒

治泌尿生殖器梅毒

治神經系梅毒

治眼耳梅毒

治奔馬梅毒

全身驅梅毒法

舊六零六之用法與治法

新六零六之用法與治法

水銀治法

沃度治法

先天梅毒治療法

下疳治療法三則

橫痃治療法四則

男子淋病治法

女子淋病及併合症治法二則

花柳科製藥欄

男女梅毒良藥治法四十四種

男子淋濁病良藥製法二十九種

女子尿道淋良藥製藥一種

奇難雜症醫術秘傳目錄

花柳科	一五〇
針灸科	一四六
祝由科	一三六
小兒推拿科	一四六
痧症科	一八
痘症科	一四
痧疹科	一〇
跌打科	一八

無師
自通

奇難雜症醫術秘傳

卷一 中西花柳科秘術

上編 中西花柳科

△徽（普梅）瘡病原

徽瘡。卽下疳。橫痃。淋濁病之總稱。其病原。中醫則謂正氣不足。邪毒乘之而生。如腎氣虛。邪毒乘之。則生下疳。或爲蛙梗。甚則骨痛。徽瘡形如爛柿。肝氣虛。邪毒乘之。則發橫痃。或成魚口。心氣虛。邪毒乘之。則發紫瘡。形如楊梅。左右相對。有一經獨虛。而邪氣獨盛者。有數經同虛。而齊病者。有見於外。而滿身生瘡者。有伏於內。而遍體骨痛者。治法。當詳究脈理。辨別毒氣之輕重。發表攻裏。溫補涼解。隨症而施。勿令虛實顛倒。斲削元神。病重而藥輕。難收速效。病輕而藥重。必生他變。所以治此症者。須標本兼治。以攻邪補元爲主。不可偏施也。又見日本名醫本堅元調。解釋徽

瘡病原曰。此病何以今多而古少。考其原因。則在娼妓娼妓接客既多。濁液淤積陰中。因而發徽瘡。古時妓療少。故徽毒少。今也妓療多。故徽毒亦多。而裘馬少年。相率以冶游挾妓。於人生唯一樂事。至是而披猖之徽毒。遂蔓延大地。而不可遏止矣。而通商大埠。間之花柳科醫生。猶如雨後春筍。層見迭出。或用西法。或用中法。但求診斷精明。方藥靈驗。莫不名利兼收。誠爲時下當行之投機醫生。而且學習比較其他醫科容易。茲將歷代名醫之徽瘡治驗丹方。彙輯成編。以備有志學習者之參考。至於西醫治徽毒各法。另輯於下編。上編中概不附錄。

△下疳驗方（下疳爲梅毒先發症）

〔治下疳丹方〕下疳初起用大黃一兩。皂莢二錢。同

研細末。水發爲丸。每服二錢。瀉去其毒。便能銷散。
【又方】下疳初起。陰頭皮皺處。時覺濕爛疼痛。速用生甘草五錢。各錢半煎湯待溫。洗淨拭乾。次用鳳凰衣（卽出小雞之蛋壳內衣）炒黃色。兒茶各等分。同研細末。搽敷患處。覓取壁上蟻蛛鏡（俗稱壁蟻窠）十數個。逐個在菜豆油燈上略燒存性。入小鉢中研細。加冰片少許研和。搽敷濕爛處。立能止痛。

【又搽藥方】海過子（一名貝子）煨存性一兩。研極細。加冰片五分。五色粉霜三分。研和藏磁罐中。以新棹搽敷。

【又熏洗方】苦參、川椒、忍冬花各一兩。加清水四大碗。煎五六沸。傾入木桶中。乘熱熏患部。待溫洗滌。瘡口拭乾。用上列搽藥。徑四沿邊搽之。倘熏搽無效。受毒必深。

【又化毒丸方】虎脛骨、酥炙、龜板、酥炙、川山甲、炙脆、硃砂各一錢六分。血餘（用童子每月一剃之頭

髮煨枯存性）一錢五分。蟬退末二錢。末藥乳香、雄黃、白蘇皮各一錢五分。生乳一錢（製法見後）牛黃五分。土貝母二錢。沈香七分（沈水色黑味甜香者可用）琥珀七分。上藥共研細末。另用神麴末五錢打成稠糊。入藥末搗勻。丸如桐子大。另研硃砂爲衣。每早空心服十五丸。每晚臨睡空腹服十九丸。皆用人參煎湯送下。或枸杞湯亦可。病去一半。服九減半。禁忌慾火惱怒與焦躁。

【又解毒丸方】下疳初起。用白芷一兩。斑毛四十九個。同放磁器中。用酒拌濕。置文火上炒乾。揀去斑毛。單用白芷加全蝎、胡桃肉各一兩。新瓦上焙焦。生大黃一兩。曬乾。四物共研細末。酒麵糊丸。如棗豆大。每服三錢。熱酒送。

【解表飲】治下疳便毒同起。筋骨疼痛非常者。麻黃、紫蘇、桔梗各三錢。川芎、升麻、當歸、忍冬花各五錢。僵蠶、蟬退各三錢。五分子、羊肉十兩。用黃酒十盃。煎至三鍾。去渣。作一頓服。厚被蓋復。汗透爲度。

【治瀉濁疳方】一名蠟燭疳。從內爛出。或從半邊溜爛者是也。用人脚根上老皮一錢或二錢。瓦上焙脆。研末。加黃柏末等分。用猪胆汁勻拌。曬乾。再研細末。搽患處。以烏金紙包頭。

【治雞臆疳魚口下疳方】婦人陰戶臭爛。亦可用此藥療。治熱乳香、冰片、珍珠末、象牙末、兒茶、各三分。搽面粉一兩（入傾銀罐內煨紅成鵝黃色）。牆上白螺螄壳（洗淨，入傾銀罐內煨枯研細）。淨末一兩。各藥共研細末。收藏磁瓶封固。若遇為患者。上藥先用米泔水煎。除去上面浮沫。加雄黃三錢於沸泔水內。待溫淋洗患處。除盡膿血。然後從磁瓶中取藥末搽患部。不拘男女。三日後立見功效。

【生生乳製法】生生乳為治大癩瘋、諸虫疾、頑毒頑癬之聖藥。不獨能治下疳也。製法煨煉礬石三錢。雲母石二錢五分。硝石（即益硝）一兩六錢。朱砂液（即朱汞粉紅色者為上）九錢六分。晉礬

一兩二錢。象礬一兩八錢。食鹽一兩五錢。枯礬五錢六分。青鹽三錢五分。共研至不見星。入羊城罐內。三方一頂火燒至藥化。上面有霜頭起。離火候冷。用鐵蓋蓋緊。鹽泥封固。待罐口泥乾。入八卦爐中。先用文火燒至盡底熟透。緩緩擦水加炭平口。用武火燒三炷香。離火。先用甘草牙皂各二錢。煎濃汁。收盡底白丹砂。棉紙包裹。浸汁內。片時取出。連紙埋土中。三日夜。取來曬乾。每兩加冰麝各七厘。辰砂九分。共研細末。外用乳香一錢二分。瀝水燉化。和前末研勻為丸。每粒重一錢一分。外以黃蠟封固。即命生生乳。照方配合。凡遇百藥不治之梅毒惡症。服之無不立見奇功。此方妙在水銀與雲母礬石同煉。能解水銀毒也。

△橫痃驗方

【治橫痃立愈方】橫痃生小腹兩旁大腿縫中。形如腰子。皮色不變。按之堅硬而微痛者。是大抵繼下疳而發。初起即靜臥。用後列藥方療治。可期消散。

一經潰爛則非半年不能全愈。初起宜用皂角刺六錢研末布袋裝好同糯米二合煮薄粥。一日分早晚兩次服完。次日再如法煮服。連服三四日自消。

【通氣飲】治橫痃初起。或兩脚俱腫作痛。肉未堅實。服此通氣飲可望內消。木通瓜麩子各五錢。忍冬花粉甘草各三錢。貝母紫蘇葉各二錢。加清水兩大鍾煎八分空心服。渣再加水鍾半煎七分服。

【又方】鷄子一個一端開小孔入紅娘子六個紙包放稻草灰中煨熟去紅娘子及蛋壳食鷄子用黃酒空腹送下。隔一日或半日小便若得淋出膿血毒去即愈。或用鮮瓦松搗爛同冰片鷄蛋白調敷亦效。

【又方】黃括萐一個黃連五錢初起時水煎服二三劑即愈。又生山藥五錢活鮑魚一尾同搗爛塗敷亦效。

【又方】橫痃潰爛用五倍子二三錢置新瓦上焙乾

研末好陳醋調勻攤布貼患處布上塗藥須勻厚貼一日夜初起即消潰爛久不收口者貼之亦效。惟藥宜多備以便每日更換。又內服冬葵子酒下二錢亦效。

【又方】穿山甲半兩猪苓二錢醋炙研末酒服二錢外用穿山甲末和麻油輕粉調塗有效。

△魚口便毒驗方（生在左膊縫內曰魚口生在右腿縫間曰便毒）

【治魚口方】魚口生在左膊縫內瘡口潰爛甚太身立則瘡口合身屈則瘡口張開合之形絕似魚口此係宿娼忍精不洩怒氣傷肝而成初起用端陽日從桃樹上採下之青核桃置無日無雨處陰乾瓦上火煨存性研末藏磁瓶中每服一錢好黃酒空心送下連服三四次未成者即消已成者減輕。【魚口百效方】夏杜草五錢蒼耳子三錢煎水常洗另用大湯核中仁青菓核中仁桃仁各三錢共同搗爛醋浸一宿取起搽敷患部再用黃柏燒灰同

松花粉撲之。如是貼三四劑。不論已潰未潰。均有奇效。

【治魚口立愈三方】一用芙蓉花葉連根搗爛。加白礬少許。調敷患處。毒即退散。二用瓦松焙乾研末。雞蛋白調敷。不出膿。愈。三用雄黃、乳香各二兩。黃蘗一兩。共研細末。初起時用新汲水調敷患部。腫痛自消。

【又方】葱根五六個。洗淨和蜜搗爛。敷患部。以紙薄護之。并煎服橫痃門之通氣飲。自愈。

【治便毒方】便毒生在左腿縫間。一名便癰。又稱血疔。男女皆有生之者。發於少腹之下。腿根之上。摺紋縫中。經屬肝腎。大抵由強力房勞。忍精不洩。或則慾念未遂。以致精搏血留。聚於中途。壅遏而成。或爲暴怒傷肝。氣滯血凝。而發。初起用白芷、僵蠶（炒黃）、川山甲（炮）各二錢。當歸、生大黃各三錢。乳香、沒藥各一錢。水煎服兩劑。即消。此爲惡毒初起之妙方。外用千年石灰末一錢。加白礬、食

鹽少許。米湯調敷。即愈。

【消散毒】治便毒發腫。硬大作痛者。用歸尾、粉草、熟大黃、黑丑（搗碎）各三錢。僵蠶、貝母各二錢。加水酒各一大鍾。煎八分。空心服。渣再加水酒煎七分。服。即愈。又黑丑頭末七錢。空腹熱酒送服。或汗或下。即愈。

【五虎湯】藥力稍猛。惟患便毒而元氣充足者。宜服此方。全蝎、僵蠶、川山甲（炙）各一錢五分。蜈蚣三條。斑毛三個（去頭足。糯米拌炒）。生大黃二錢。皆研細末。分兩次用黃酒空腹送服。

【內托散】便毒腫痛作膿者。用地榆一兩、黃芪、粉草、忍冬花、川山甲、白芷各二錢。用酒二大鍾。煎一鍾。空腹服。

【透膿散】便毒有膿。未曾破潰。作痛作脹。用皂角刺、黃芪、牛膝各三錢。川芎一錢。歸尾、川山甲、忍冬花、漢防已各一錢五分。加水兩大鍾。煎八分。空腹服。渣再加水煎七分服。

【魚口便毒通治方】凡患魚口便毒。用隔年陳水仙花兜。和口津。在粗石上磨成濃汁。用杯盛貯。搽於患處。未潰者腫消而散。已潰者膿即提出。俟毒膿洗盡。用野菊花煎湯洗淨患處。向藥店買九乙丹搽之。即愈。

【預解瘡毒油】凡患便毒下疳未愈。而有發生蠱瘡之兆。預煎此油吞服。可免面部生瘡。麻油八兩。加自己頭頭五錢。用文火煎化。離火待冷。作兩次服。再服亦可。蓋麻油善能消毒潤腸。能下腹中瘡毒。多服無妨。

△蠱瘡驗方

【治楊梅瘡方】梅毒何自而來。蓋由嫖妓宿娼。藥極悲生。毒氣由洩精之後。從精道乘虛直透命門。以灌督脈。於是外而皮毛。內而筋骨。凡督脈所到之處。無不受最深最惡之蠱毒。倘初起時。治不得法。卒至缺唇脫鼻者有之。除毒未盡。以致貽害妻兒。甚且絕嗣喪命者亦有之。當世青年受害者。幾如

恆河沙數。緣將梅毒治驗良方。搜輯如下。以便自醫及學醫者之參考。凡治病必先診斷明確。方可對症檢方給藥。初起頭不痛。筋骨不痛。小水通利。瘡形碎小。頭面稀少。口角無瘡。胸背稠密。穀道清楚者為順。先發下疳。次生魚口便毒及橫痃。便覺筋骨疼痛。而梅毒始發現。色紫堅硬。手足多生。形如湯潑起。隨者為險。總之調治得法。亦可告痊。最忌欲求速效。雖服輕粉水銀白粉霜等。一解法見後。以致餘毒含藏骨髓。復為倒發。輕則害及妻兒。重者損形喪命。徒遺噬臍之悔。可不慎乎。治蠱瘡藥方。不下數百種。茲擇最有效驗者錄下。初起用羊角核桃壳等分。燒存性。研極細末。用細絹篩。篩盡粗屑。每服錢半。好黃酒調下。早晚各一服。約服四日。毒從大便出。如血如膿。以後每日早上服一次。半月毒盡。前藥不必服。另用熟地當歸人參白芍白朮白茯苓炙甘草各等分。水煎服。虛者宜多服數劑。

【熏洗方】凡微瘡發於頭面及小便處者。用此方熏洗。再用後方塗點。五日即愈。方用番打麻、雷丸、各五錢、朴硝、地骨皮、各一兩、黃芩、兩半、用河水五碗煎藥味出。離火傾木盆中。將患部先熏後洗。次用點藥。

【點藥方】用此點藥。必先服下列化毒藥。不服藥者忌之。方用大杏仁二十個（火上燒透存性）胆礬四分、輕粉一錢。三物共研如膏。敷點患處。每日於臨睡時先將煎藥煮熟熏洗。然後點藥。

【加味化毒飲】治微瘡下疳、腐爛陷下、或包皮腫如鷄臍、或肌膚見形如斑如疹、勢將發瘡者。用漢防己當歸、忍冬花、白鮮皮、連翹、羌活、川芎、各三錢。牙皂五錢。各藥一律切片。分作七帖。每帖加奇良四兩、豬胰子一枚。水四碗。煎至兩鐘。一日分二次服。渣再煎一鐘。臨睡服七帖。分七日服完。

【又方】胡桃仁、輕粉、槐花（炒研）、紅棗肉、各二錢。共搗爲丸。分作三日服。第一日鷄湯下。第二日陳

酒下。第三日兩煎茶下。五日瘡乾。七日痂落。此係花柳科專家楊誠所傳。治微瘡之經驗良方。幸勿輕視。

【又方】黃土一升。加水澄清作水。蚊蚋糞二兩。生大黃一兩。生甘草五錢。葶草根五錢。水煮。加前土黃水充服。服後便瀉。隔一日再服。再瀉如是。數劑毒氣盡而微瘡自愈。

【又方】楊梅瘡潰爛。古牆上螺螄壳、辰砂各等分。加冰片少許。共研細末。敷擦患部可愈。

【治梅毒寄毒方】龜板（酒炙三次研淨末）、二兩。石決明（童便淬煨研末）、二錢。硃砂（水飛研）、二錢。共同研和。用黃米飯糊丸。如桐子大。每服一錢。空心下。土茯苓湯充酒下。服過硃黃者。水其菜煎湯送服。有效。

【立愈楊梅結毒方】珍珠二分。西牛黃一錢。土茯苓一片。水煎服。西牛黃絹包入煎。珍珠研末。含口藥湯送下。

【九龍丹】治楊梅結毒。及惡癰毒。魚口便毒。橫痃。初起俱有奇效。用木香乳香沒藥兒茶血竭巴豆（不去油）等分爲末。生蜜調成一塊。貯藏磁盒中。勿令洩氣與露壞。臨診施用。摘取一角。搓成丸藥九粒。如菓荳大。用熱黃酒空必送下。輕者服四五次。卽愈。腫甚者。間日再服。罄一料毒必消盡。

【五寶丹】治楊梅結毒。筋骨疼痛。腐爛口鼻。百藥無效。服此丹無不收功。方用石鹽乳四錢（須向著名大藥鋪中購買。凡乳頭下垂。敲破易碎。形似蜻蜓翅者方真）硃砂一錢。珍珠二錢（塞豆腐中。煮半炷香時取出）冰片一錢。琥珀二錢。分研細末。併合再研數百轉。磁罐蜜收。臨用取藥二錢。加飛羅麵粉八錢。再研勻。用土茯苓一斤。水八碗。煎至五碗。濾其渣。作五回服。每服加五寶丹一分。和勻。如鼻子腐爛。每日土茯苓內加辛夷三錢。煎服。引藥上行。忌食海腥牛羊鵝肉火酒煎炒。房事更宜遠避。

【金蟬脫壳酒】治楊梅結毒。筋骨疼痛。用醇酒五斤。大蝦蟆一個。土茯苓五兩。浸酒內。瓶口封緊。重湯煎兩炷香。取出次日飲之。以醉爲度。無論冬夏。須蓋暖使汗透爲效。飲存之酒。逐日隨量飲之。酒盡而毒消。

【醫治梅毒斷根不發方】金銀花。皂角刺。蟬退。僵蠶各七錢。杏仁（去皮尖）七粒。土茯苓一斤。加水適宜。煎至一半。離火傾出。儘一日當茶服完。戒飲茶房事。海腥發物。避風靜居。隔一日再服。七劑全愈。永不再發。

【治誤服輕粉毒方】患梅毒瘡。誤服輕粉（少服無妨。本編也有用輕粉之方）毒竄經絡。或口齒腫爛。或筋骨疼痛。攣縮。經久不愈。將成殘廢者。解救之方。用土茯苓一兩。苡米銀花。防風。木通。白蘚皮。各一錢。木瓜錢半。皂角子四分。氣虛加頂上黨參一錢。血虛加當歸七分。加水煎八分。一日分早晚兩次服完。忌牛羊鷄鴨魚肉。海腥。燒酒。麵食。辣椒。及

一切發物。謹戒房事半年。服至十日。其毒即解。

【預防梅毒結染祕方】家有患瘡者。其妻妾子女。及在傍伺候之人。欲免傳染。宜用雄黃、川椒、（去子）各五錢研末。杏仁百粒蒸熟。去皮尖炒。共研細末。燒酒半。麵糊丸如桐子大。每服十五丸。開水下。可免傳染。

【又治楊梅結毒神效方】川芎、當歸、金銀花、花粉、防風、生半夏（姜礬製）、川貝母、海螵蛸（去皮水飛）、白芷各一兩。南星兩半（薑汁製）。先用土茯苓一斤（米泔水煎竹刀去皮）搗爛。不犯鐵器。放沙鍋內加水四大碗。將竹篾量定深淺。再加水四大碗。煎至四大碗。將煎末十兩五錢投入。再加水四大碗。煎至四碗。去渣。一日服完。忌鹽及一切毒物。發物海鮮房事粥飯祇可淡吃。輕者一料。一重者兩料。必愈。或每料調入八寶丹一分二厘。

【八寶血方】真犀黃一錢。血珀二錢。珍珠二錢。冰片一錢。滴乳五錢。飛麵八錢。辰砂二錢。飛滑石二錢。

分研細末。併合研勻。收羅磁瓶。封固。能治一切梅毒。惟成本昂貴。患者出不起藥。本醫生都不製備。

【又方】胡連、宣連、川大芎、牛膝、各二錢。豬胰脂一個。皂莢子七粒。先將土茯苓一斤。以石搗碎。加水八碗。煎至六碗。入藥。至前煎五碗。入臍脂。再煎至四碗。溫服。一日服盡。渣再加水四碗。煎至兩碗。服第二次。煎時。須用竹篾入藥。逐碗量定水量。則煎至若干為度。一目了然。惟服此藥之前。須先吃鷄羊海鮮。使毒氣發透。然後服藥。二三劑後。瘡勢漸減。後劑須加苡仁。當歸各二錢。於前方內。如法煎服。重者不過四五劑。輕者不過二三服。遍體貼然。且無結毒之患。結痂後。再服排毒散。數劑。更妙。惟各藥忌鐵器。又忌茶。

【梅毒丹方】鷄蛋一枚。去黃留白。入輕粉一錢。攪勻。紙糊。飯鍋上蒸熟食之。初起即消。已發透者亦有功效。

【治瘰癧滿身方】梅毒滿身。紅塊廣粒。不論初起已

爛先用茯苓木通防風荆芥各一錢當歸二錢生黃耆三錢麻黃一錢（太熱有汗者減半）先用精羊肉二斤水五大碗煎至三碗去肉將藥加入煎至二碗於下午照常食飽臨睡吃藥如天氣寒冷服熱白酒一杯蓋被出汗透頭面亦須出透苟有一處無汗即遣後患至天明自然汗止即用熱湯沐浴另換新衣新被有汗衣被須加水自洗若使他人洗滌則其氣味未有不被傳染者存心有天知不當以此惡瘡貽害婢媼若輩無錢醫治遺害不堪設想慎之或者將衣被燒燬亦須令人掩鼻遠避更換衣被後再用生大黃研細一兩牙皂炙炒黃研末三錢水泛為丸每晨食薄粥後即服二錢白湯送瀉三五次後吃粥一碗即止體厚者間日一服以後每日用土茯苓煎濃湯服三五碗每碗入五寶丹（見前）六粒逐日照法服以告痊為止忌茶湯發物及房事

【治楊梅瘡餘毒未盡方】槐米（檢淨微炒去尖研

細）每服二錢用開水空心調服每日兩次服至兩升毒盡

【治楊梅結毒方】僵蠶、蟬蛻各三個猪牙皂三錢皂角子七個（研碎）土茯苓三錢生大黃錢半甘草三錢川山甲三片（煨）加河水兩大碗黃酒一碗煎至七分服不拘二服三服以瀉為度瀉時須塞鼻不可聞臭味便桶中須放臭藥水身弱者瀉後不心再服強壯者瀉後再服一劑體內餘毒自盡忌鷄鴨等發物

【楊梅結毒敷藥方】真輕粉二錢杏仁霜二十粒（去皮尖取霜）番木鱉（水煨存性）三錢兒茶三錢（火煨）胆礬三分片腦一分將各藥入研鉢中共研細末用鵝胆或猪胆調敷每日早晚各敷一次數日即愈

【楊梅瘡點藥方】兒茶杏仁霜各一錢輕粉五分冰片三分入器研勻用鵝胆汁調點一日三四次即愈

【治梅毒神祕丹方】紹興酒、小磨麻油、每日清晨空心服。隔湯燉熱。須用一高玻璃杯。有量杯最好。無量杯用紙條分作十格。貼杯外。先放酒七分在下。上加麻油十分。燉熱調和。服如餘毒未盡。以荷葉加水煎濃湯。置壺中。代茶飲。忌飲茶、海鮮、發物、惱怒行房。連服七日即愈。

【又方】雄黃、雨前茶葉、生芝蔴、各四兩。共研細末。用黃米飯磨粉。糊爲丸。如桐子大。每晨開水送服三錢。

【又方】牛角一對。羊角兩對。用粗草紙包好。復將童便浸透。以炭火炙之。去淨紙灰。研成細末。入絹篩。過粗屑。再研再篩。用川山甲一兩。焙脆。研成極細粉末。篩過入藥研和。每晨空腹服三錢。用好陳酒送有效。

【又方】黑豆、生甘草節、各二錢。加水煎濃湯。傾入木桶中。乘熱先熏。待溫洗患部。洗後拭乾。搽以鯉魚胆汁。極效。又用槐花四兩。略炒。加黃酒兩大鍾。入

沙罐中煎十餘沸。離火稍隔片時。乘熱去渣。服得汗透即愈。

【治頭面梅毒方】蕪艾一兩。川椒八錢。麻黃去節三錢。川芎二錢。白茯苓二兩。豬頭天靈蓋骨（火煨存性）五錢。上藥共研細末。以蒸餅糊丸。如桐子大。飯後開水下三錢。服三四日。瘡口乾燥。服至瘡平爲止。

【武定候方】雄黃錢半。輕粉一錢。杏仁三十粒（去皮）共研細末。用雄豬胆汁調搽患處。日服麻油一杯。更效。

【治棉花瘡點藥方】患棉花瘡毒及下疳。或初感。或毒盛。經久不愈。用新槐蕊。揀淨不必炒。每日早午晚各服一錢。於食前用清酒送下。服至二三日。熱毒盡去。絕無寒涼敗脾之病。如不能飲酒。用開水送亦可。

【五寶湯】專治誤服輕粉毒。方用紫草、金銀花、山慈菇各一兩。乳香、沒藥各五錢。加新鹽水六碗。好陳

酒五碗。煎六七碗。空心熱服一杯。蓋被取汗。不可見風。多至服兩劑。其毒即從大小便瀉出。如結毒不消。宜先服五寶湯。用搽藥。即使鼻。子。陽物潰爛。內外並治。亦能藥到病除。以免脫鼻。壞形。搽藥方列下。

【搽藥方】輕粉一錢。(輕粉內服有毒。外搽無妨)乳香六分。沒藥二分。血竭兒茶。麝香。冰片。各一分。大珍珠三分。宮粉(煨)六分。紅羯子(燒灰)二分。文蛤二分。(煨存性)。鱗骨五分。胎髮(燒存性)白螺螄壳(燒存性)各二分。上藥十四味。分研細末。合磁研勻。磁盒收藏。用時。先以甘草煎濃湯。待溫。洗淨患處。然後搽藥。早晚各一次。

【治輕粉結毒洗搽方】生梅毒。服過輕粉。一時告痊。忽又復發。日久不愈。膿水淋漓。臭爛不可近者。方用楓子肉四兩。輕粉一錢。苴麻仁二兩。蔗甘石二錢。杭粉二兩。花椒五錢。共爲細末。加小磨麻油。搥成膏。用老油紙攤貼瘡上。貼時先用花椒甘草煎

湯。洗淨膿水。將藥貼上。用布束住。三日一換。五六次必癒。

【治服霜粉牙跟腐爛出血方】管仲、黃連、各五錢。二味共研末。加水兩碗。煎四五沸。入冰片二分。攪勻。每日含漱。

【護面散】患梅毒速服此散。可保楊梅毒瘡。不攻頭面。用婦人頭髮(煨存性)明雄黃各三分。共研細末。香油半杯調勻。每日分早午晚三次。用滾黃酒沖服即愈。

【又方】臘猪首骨(搗碎)土茯苓(春碎)金銀花各一斤。誤服輕粉結毒。在冬季加水十大碗。煎八分。去渣。貯有蓋磁鉢中。每晨空心溫服一鍾。在夏季勻分六帖。每帖半斤。逐日加水兩鍾。煎八分。服藥盡即愈。

【又方】紅棗三斤。入鍋加水適宜。用杉木作薪。煮棗逐次鉗出。悶炭。煮至棗爛爲度。離火待溫。剝去皮核。并將鉗出之悶炭。入石盆中磨成細末。篩淨粗

屑加入棗肉中。用木杵搗爛。搓成丸。如鉛彈大小。置日中晒乾。收藏磁器中。每日服一丸。用土茯苓煎湯送下。初毒者起。輕服半料。即愈。毒重者服一料。

【采病解毒丹】治楊梅瘡初起。可作瀉毒藥用。絕無剋伐胃氣之弊。方用山茨菇二兩（須擇嚴處土產。色紫價重者為良。色白者力薄無效）紅第大戟（去木切薄片取頭末用）一兩五錢。千金子（去壳去油取淨末）二兩。文蛤三兩。硃砂雄黃各五錢。麝香二錢。各研細末。合併研和。以稀薄糯米粥搗成錠子。收藏磁盒中。用時量體質之強弱。毒氣之輕重。年紀之大小。大抵重用。每服一錢二分。輕用。每服八分。開水磨沖。

【加味風流散】楊梅瘡初起。不生下疳。便毒者。宜服此方。防風。荆芥。川芎。升麻。鼠粘子。花粉。白蘇皮。僵蠶。甘草。川山甲。牛膝。何首烏。赤芍。木通。五加皮。各等分。豬腩半隻。奇良一兩。加水三大碗。煎至一碗。

傾出去渣。乘熱服。蓋被臥。取得汗出為度。渣再煎服。以後宜服化毒丸（見後）

△結毒驗方

【甲字化毒丸】患徽瘡。毒結於心小腸經者。毒注腫仁。似生內障。或見或不見。毒聚舌本作腫。或十指慘痛。或瘡生遍體。腐爛不易結痂。或結他經。兼主他病。當服此丸。兼以後列煎藥調理。丸方用牛黃、珍珠、蜈蚣（去頭足炙腹）各四分。犀角、生乳（製法見前）、牙皂各一錢。月月紅（即月月一刺之兒童頭髮）、白蘇皮、硃砂各一錢七分。雄黃、乳香、川山甲各一錢五分。琥珀五分。貝母二錢。血竭、鬱金各一錢。製大黃二錢。右藥分研細末。併合研和。用神麵末五錢。入水少許。打成稠糊。入藥末。搗勿丸。如桐子大。另研硃砂為衣。收藏有蓋磁瓶。中勿令洩氣。勿使着潮粘連及霉壞。因藥本甚貴。故也。臨診用。每早空心服十五丸。每晚空腹服十丸。人參湯送下。貧者用圓眼湯送亦可。病去丸宜。